



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

CI. Kurfürst Friedrich beleibdingt Jacob Heideken's Gattin mit Lehnstücken
in Maltersdorf und Schöneiche, am 30. September 1449.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

CI. Kurfürst Friedrich beleibdingt Jacob Heideken's Gattin mit Lehnstücken in Malterstorf und Schöneiche, am 30. September 1449.

Wir Friderich etc. Bekennen etc., das wir von besunder gunst vnd gnade wegen vnser lieben getruwen Katherynen, Jacob Heidekens, borger jn vnser Stad Berlin, elichin hulfrowen mit dissen hirnachgeschriben jerlichen zynfzen vnd Renten von vnser eygen bewegnisz jr lebtag verfehen vnd jr die zu eynem rechten lipgedinge gnediclich verlihen haben, mit namen: jn dem dorfe Malterstorf vff dem hofe, dar ytzunt Haus Pulman vf wonet vnd vf siebben hufen, vf yglicher hufe jerlichen zu zynfze funf scheffel roggen, funf scheffel gersten, achte scheffel habern vnd XVII groschen. Darzu eyne fry schefferye: vnd jn demselben dorffe vf deme hofe, dar ytzunt Cone Luckow vf wanet, vf zwen hufen, von yglicher hufe jerlichen V scheffel roggen, V scheffel gersten, VIII scheffel habern vnd XVII groschen, vf denselben beiden gnanten hofen ubersten vnd nyderste gerichte, zehnden vnd rochhünre. Vortmer jn dem dorfe Schöneyce vf dem hofe, da ytzunt Peter Auen vf wonet, vnd vf vier hufen, von iglicher hofen jerlichen XVIII groschen vnd XII rochhünre vnd jn demselben dorfe vf deme hofe, da ytzunt Matteus Vogelstorf vf wanet, vnd vier hufen, vf igliche hufe XVIII groschen vnd rochhünre, darzu ubirfte vnd nyderste gerichte vf beiden hofen vnd vf dem hofe, der der Stefanowen gewesen ist jn demselben dorffe Schöneyce vnd vf XII hufen X Rochhünre vnd mit allen vnd iglichen fryheiten, zugehorungen vnd gerechtigkeiten. Vortmer jn deme vorgnanten dorffe vnd vf der veltmarcke zu Malterstorf zwenzig hufen vnd etlich kofseten, vf iglich hufe jerlichen vier scheffel gersten, vier scheffel roggen, VI scheffel habern vnd darzu vf iglich hufe III groschen zu zynfze vnd vf die kofseten jerlichen XVII hünre. Vnd wir verfehen die gnante frowe Katherina, Jacob Heideken eliche hulfrowe, mit allen vnd iglichen jerlichen zynfzen verscriben, vnd verlihen jr die zu einem rechten lipgedinge jn craft vnd macht disses briueus, also das die gnante frow Katherine die jre lebetag vfheben vnd sich der alle lipgedinges recht vnd gewonheit ist, diewyle sie lebet, gebruchen sol vnd magk vor ydermenniglich vnghindert vnd wanne sie nach schickunge gots von disser werlt versterfen wirdt, alsdann sollen alle solche vorgeschriben guter, jerlich zynfze vnd Rente an vns, vnser erben vnd nachkomen gevallen vnd widder kommen an geuerde. Vnd darvf so geben wir jr das zu eynem jnwysen vnsern lieben getruwen Balzar Boytin, ytzund Borgermeister jn vnser Stad Berlin. Zu Orkunth mit vnserm anhangenden Ingefigel versigelt vnd geben zu Berlin, am dinstage nach Sand Michels tag, Anno domini etc. XLIX etc.

Nach dem Churm. Lehn-Copialbuche C. M. XVIII, 115.

CII. Kurfürst Friedrich verschreibt dem Bürger Hans Mewes in Köln ein Leibgedinge, am 23. October 1449.

Wir Friderich, von gotes gnaden Marggraue zu Brandenburg etc., Bekennen —, das wir von besunder gunst vnd gnade wegen vnsern lieben getruwen Hans Mews, Burger jn